

Broj: UP1-06-13-1-147-7/20
Mostar, 30.03.2021. godine

Na osnovu člana 11., člana 17. i člana 21. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2), člana 17. i člana 37. stav (1) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16), te člana 10., člana 11. i člana 12. Pravilnika o metodologiji i načinu obračuna regulatornih naknada za imaoce dozvola – Pročišćeni tekst („Službene novine Federacije BiH“ broj 94/19), postupajući po Zahtjevu za izmjenu i dopunu dozvole za rad (licence) broj UP1-06-13-1-147-1/20 od 21.12.2020. godine, podnosioca zahtjeva „ALMY“ d.o.o. Zenica, Vrandučka bb, Pečuj, Zenica, zastupanog po zakonskom zastupniku Damiru Begiću, u postupku izmjene i dopune Dozvole za rad (licence) za skladištenje naftnih derivata osim LPG-a broj 06-03-541/103/16, Regulatorna komisija za energiju u Federaciji Bosne i Hercegovine – FERK je 30.03.2021. godine na VIII redovnoj sjednici donijela sljedeće

R J E Š E N J E

1. Dozvola za rad (licenca) za skladištenje naftnih derivata osim LPG-a broj 06-03-541/103/16 izdana Rješenjem broj 06-03-541-04/103/16 od 22.06.2016. godine, imaoce dozvole „ALMY“ d.o.o. Zenica mijenja se i dopunjuje, te glasi kao u prilogu koji je sastavni dio ovog rješenja.
2. Dozvola za rad (licenci) važi do 21.06.2021. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola za rad (licenci) iz tačaka 1. i 2. ovog rješenja.
4. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

O b r a z l o ž e n j e

Dana 21.12.2020. godine FERK je pod brojem UP1-06-13-1-147-1/20 od podnosioca „ALMY“ d.o.o. Zenica primio Zahtjev za izmjenu i dopunu dozvole za rad (licence) u postupku izmjene i dopune Dozvole za rad (licence) za skladištenje naftnih derivata osim LPG-a broj 06-03-541/103/16, radi kupovine novog skladišta namjenjenog za obavljanje licencirane djelatnosti.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12., članom 19. i članom 23. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Nakon pregleda primljenog zahtjeva, a postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi i članom 12. Pravilnika o izdavanju dozvola za rad (licenci) za obavljanje energetske

djelatnosti iz sektora naftne privrede, FERK je podnosiocu zahtjeva 11.01.2021. godine uputio Obavještenje o nedostacima podnesenog Zahtjeva za izmjenu i dopunu Dozvole za rad (licence) za skladištenje naftnih derivata osim LPG-a pod brojem UP1-06-13-1-147-2/20 i odredio mu rok od osam dana radi otklanjanja uočenih nedostataka navedenih u obavještenju. Postupajući po navedenom obavještenju, podnosilac zahtjeva je dostavio dopis primljen u FERK 20.01.2021. godine pod brojem UP1-06-13-1-147-3/21, dopis primljen u FERK 26.02.2021. godine pod brojem UP1-06-13-1-147-4/21 i dopis primljen u FERK 11.03.2021. godine pod brojem UP1-06-13-1-147-5/21, uz koje je dostavio traženu dokumentaciju i obrazloženja, a na osnovu čega je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede, a polazeći od člana 37. stav (1) istog pravilnika kojim je propisano da se postupak obnove, izmjene i dopune i oduzimanja (privremenog i trajnog) dozvole za rad (licence) vodi na isti način kao i postupak izdavanja dozvole za rad (licence), pripremio Nacrt dozvole za rad (licence) za skladištenje naftnih derivata osim LPG-a u postupku po Zahtjevu za izmjenu i dopunu dozvole za rad (licence) broj UP1-06-13-1-147-1/20 od 21.12.2020. godine podnosioca „ALMY“ d.o.o. Zenica.

Na osnovu člana 1. stav (3) i člana 16. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede, FERK je Odlukom broj UP1-06-13-1-147-6/20 od 17.03.2021. godine usvojio Nacrt dozvole za rad (licence) za skladištenje naftnih derivata osim LPG-a u postupku po Zahtjevu za izmjenu i dopunu dozvole za rad (licence) broj UP1-06-13-1-147-1/20 od 21.12.2020. godine, te Obavještenje za javnost o opštoj raspravi o Nacrtu dozvole za rad (licence) po zahtjevu za izmjenu i dopunu dozvole za rad (licence) za skladištenje naftnih derivata osim LPG-a, kojom je ovaj nacrt upućen u proces javne rasprave.

Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad (licence) za skladištenje naftnih derivata osim LPG-a u postupku po Zahtjevu za izmjenu i dopunu dozvole za rad (licence) na adresu FERK-a ili na elektronsku adresu, u periodu od 18.03. do 26.03.2021. godine do 10:00 sati, kao i da su lica koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost dostaviti zahtjev za sticanje statusa umješača na adresu FERK-a ili na elektronsku adresu, u periodu od 18.03. do 26.03.2021. godine do 10:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješača, odnosno do 26.03.2021. godine do 10:00 sati, u FERK nisu primljeni pisani komentari na Nacrt dozvole za rad (licence) za skladištenje naftnih derivata osim LPG-a u postupku po Zahtjevu za izmjenu i dopunu dozvole za rad (licence), niti je primljen zahtjev za sticanje statusa umješača.

Na osnovu obrade Zahtjeva za izmjenu i dopunu dozvole za rad (licence) broj UP1-06-13-1-147-1/20 od 21.12.2020. godine podnosioca „ALMY“ d.o.o. Zenica i dokumentacije priložene uz zahtjev, izvršena je izmjena i dopuna Dozvole za rad (licence) za skladištenje naftnih derivata osim LPG-a broj 06-03-541/103/16, radi kupovine novog skladišta namjenjenog za obavljanje licencirane djelatnosti. Predmetna dozvola za rad (licenca) je izmijenjena i dopunjena u skladu sa zahtjevom podnosioca, te je usklađena sa odredbama naprijed navedenih Zakona o naftnim derivatima u Federaciji Bosne i Hercegovine, te Pravilnikom o izdavanju dozvola za rad (licenci) za obavljanje energetskih djelatnosti iz sektora naftne privrede, s tim da je period važenja dozvole

za rad ostao nepromijenjen. Postavljeni uslovi uvažavaju potrebu, ali i obavezu „ALMY“ d.o.o. Zenica, da u rokovima propisanim u uslovima dozvole za rad (licence) za skladištenje naftnih derivata osim LPG-a iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Jasmin Bešo

Dostaviti:

- „ALMY“ d.o.o. Zenica
- Federalnom ministarstvu energije, rudarstva i industrije
- Sektoru za tehničke poslove i licence